

Ekwo

Ebvụ Sólomọnu

1 ¹Ebvụ, kakọta ree l'iphe,
bụ ebvụ, a ọrụ agụgu,
bụ iya bụ ebvụ ọphu
Sólomọnu ọrụ.

Iphe eepfu l'okpoku ibe eze

² Ọ dū mu g'a sụ l'ii-tsutsu mu
ọnu;
kele n-yemobu ngu kakwa
mẹ eme ẹhu-utso.

³ Manụ, ị nyịru eshikwa
mkpọ shii.
Epha ngu tuko ẹkameka
ngaa g'eka manụ,
eshi mkpọ wushihuru.
Ọ buru iphe ono kparụ iphe,
unwumboko yeru
ngu obu.

⁴ Duta mu; g'anyi tugbu-kebe!
Eze be dubatawaru mu l'ulo
iya;
mbụ l'eka anyi a-nodu;
ẹhu atsoo anyi utso;
anyi etee eswa ngu;
bya aburu ẹka anyi
a-tuko nodu jaa
n-yemobu ngu ajaja
jaghata g'aajaje mẹe.
Ọ gbarupho g'unwumboko

- yeje ngu obu!
- 5 Unubẹ unwada Jierúsalemú;
a makwaru-a lẹ mu eji uji;
ọlẹ mu dukwanu ùbvù
l'ẹnya.
- Mbù lẹ mu jitabekwaru uji
g'ulo-ẹkwa ndu Keda;
obenu lẹ mu dukwanu
ùbvù l'ẹnya g'ẹkwa,
Sólomõnu gebegbaaru
l'ulo iya.
- 6 Unu ta anọdukwa ele mu
phoriphori opfu l'anwu
chiru mu;
jasu mu nọdu eji uji;
Ọ kwa l'ẹhu, eghu unwune
mu eghu meru g'o gude
ẹphe nwuru mu yee
gẹ mu nọduje l'ozi
opfu-vayinu
mkpurumkpuru;
ọphu ọ dudu teke ọzo
dujeru mu k'eleta
onwomu ẹnya.
- 7 Gube onye mu yeru obu;
kanuru mu ẹka iicheje
aturu ngu!
- Yele ẹka ịidobeje aturu ngu
ọbu l'echi-eswe g'ẹphe
tuta unme!
- Gẹ mu te ejeshi anọdu
aghaphe gẹ nwanyi
ovuoba l'ọdu aturu
ndu ọzo.

Iphe nwoke ono epfu

- 8 Gube nwanyi ọphu bu ngu
kakota ama mma l'iphe,
bu unwanyi g'ẹphe ha;
ọ -buru l'i ti madu ọzo;
tsopyabeephe owere
aturu ono;

l'i je echee ụnwu-eghu ngu
 lẹ mgboru ụlo-ẹkwa
 ndu eche aturu ono.

Eze egoshi n-yemobu iya

- 9 Iphe, mu a-turu gube onye
 ono, dụ mu l'obu yeru;
 bu ada-inya, nọ l'ugbo-inya
 Fero.
- 10 Asha ngu bẹ iphe-nchi,
 i yeru meru;
 ọ nọdu ama ntumatu.
 Iyagba, i doru l'olu bẹ
 kwekwaru ngu ntumatu.
- 11 Anyi e-gude mkpọla-ododo,
 a tughbaru mkpọla-ochaa
 paapaa metaru ngu
 iyagba.

**Nwanyị ono ari
 k'onye o yeru obu**

- 12 Eze nọro l'aguga teburu iya;
 mkpọ manụ-nadụ,
 mu nyiru bya avọ
 ẹkameka pfurupfuru.
- 13 Onye mu yeru obu dụ mu
 g'ụnwù męru,
 eshi kwẹkweekwee,
 mu tų-koberu l'obu.
- 14 Onye mu yeru obu dụ mu phọ
 gẹ jipfujipfu okoko hena,
 ama ntumatu, shi
 l'opfu-vayinu ndu Enu-Gedi.

Iphe nwoke ono epfu

- 15 Gube onye ono,
 mu yeru obu ono;
 i dukwa ụbvù!
 Ire-lanụ opfu; i dukpoo ụbvù
 ọkpobe adudu!
 Enya ngu dụepho g'ęnya
 ndo-nwenu.

Iphe nwanyị ono epfu

16 Gùbe onye mu yeru obu;
 iphe, ìmakwanu l'òo mma!
 I dū k'eye obu eviya eviya!
 Èka anyi azeje azeje dū ke
 kpuchikala.

Iphe nwoke ono epfu

17 Oswebe, anyi gude gbaa uko
 anyi bụ oshi sida.
 Oshi, anyi swebushiru iya bụ
 oshi payinu.

2 ¹ Mu dūkwa g'okoko lẹ nsụda
 Sharonu;
 mu dūkwapfo g'ojimbvu,
 jashiru lẹ nsụda-úbvú.

² O bụ egube ono abụjeru;
 ojimbvu yele óbvú -nọgbabe;
 l'ọ kakọta phẹ ama mma-a;
 bụ g'onye ono,
 dū mu l'obu ono kakọta
 unwumboko ọzo
 ama mma g'ephe ha.

Iphe nwanyị ono epfu

³ O kwa egube ono,
 udara akakọtaje ama mma
 l'iphe, bụ oshi,
 nọ l'oswa bụ g'onye ono,
 mu yeru obu ono
 esengoje l'echilabo
 unwokokoroby a ọzo.

Oobujeru mu -nọdu iya lẹ
 mkpula l'ootso mu
 ntumatu;
 teme akpuru iya nọdu
 atsojekwa mu pho
 utso.

⁴ O dutaru mu je l'ulo eka a nọ
 eri nri obo-iphe.
 Iphe, o gude mee g'obu shihu

- mu ike bụ obu,
o yeru mu.
- 5 Gudenụ akpuru vayinu,
e gheru egheghe mee
g'ike dụ mu.
- Teme l'i gude udara mee
g'obu shihu mu ike;
kele mu avehuakwa avehu
l'obu, mu yeru ngu.
- 6 Ekicha iya be o yeru mu l'ishi;
bya rikua mu ekutara iya.
- 7 Unube unwada Jierusalemu;
unu kwee mu ukwe l'unu
ta akpatsudu n-yemobu
jasu lo bya lonwiya;
kele n-yemobu be bukwa
g'eedoje okpa anigo-a;
me okpa ele-a bu
g'eedoje iya.
- 8 Ngabekpodapho!
O kwa olu onye mu
yeru obu be mu
anu nno!
- Lenu go gude apfu shoshoo
apfughagbaa ubvu
ubvu;
awu wugelengu wugelengu
awughagbaa obvu
obvu agba abyapfuta mu.
- 9 Onye mu yeru obu dukwa
g'anigo; ozoo ge nwele.
Lenu; o noakwa lazụ igbulọ
anyi;
pyofu enya le windo enyo
swirii.
- 10 Onye mu yeru obu sukwaru
mu:
“Gbeshi gube onye du mu
l'obu;
mbu gube onye ono bu
nwoma-mma mu;
tsonuru mu!

- 11 Hụmanu! Udzumini
ghaakwaru;
igwe buwa mini;
udzu-mini laa.
- 12 Okoko atushiakwa ige ị
mgboko.
Teke aaguje ebvụ rwuakwaru.
A nọdu anuwaa ọrà kerekete
l'ali anyi.
- 13 Oshi figu watakwaru amị
mebyi.
Mkpọ ige, vayinu tushiru
emee ekameka;
ọ tuko eshikọta
kwekweekwee.
Gbalihu; gube onye mu yeru
obu! Bya!
Ọ-ma-mma mu;
gbeshi g'anyi je!”

Nwoke ono sụ:

- 14 Jiko gẹ gube nwando-nwenu
mu, nọ ị mgbaka
ikelepfumu mkpuma;
mbụ gube onye domiru
onwongu ị mgbawara,
nọ l'eli úbvú;
jiko menaa gẹ mu hụma
iphu ngu!
Jiko pfunuru opfu yeru mu;
kẹle opfu ngu atsoje
mu uto.
Atatiphu ngu nọdu ama
ntumatu.
- 15 Gudekotaru anyi uphega
ono nta;
mbụ unwu uphega ono,
anọduje emebyishi
vayinu ono;
kẹle vayinu anyi
wataakwaru amị
mebyi.

Iphe nwanyị ono epfu

- 16 Onye mu yeru obu bụ nkemu;
 mu bụru nkiya;
 mbụ onye ono,
 eche aturu iya l'ẹka
 ojimbvu kuru;
 17 gbiriri jasụ l'ụzenyashi;
 mbụ teke
 onyonyo-anwụ ta aduhedu.
 Jiko gube onye mu yeru obu;
 ghakobe pfukwaa
 ke shooshoo egube ono,
 anigo me ele nshii
 apfuje l'ẹka úbvú dụ
 kpokoro kpokoro
 kpokoro ono;
 lwapfuta mu.

**Nwanyị ono achọ
 onye o yeru obu**

- 3** ¹ L'enyashi be mu azekotaje
 l'iphe aze mu gude egomunggo
 achọ onye mu yeru obu;
 ole mu chọru iya nta
 chọo imo;
 ophu mu ahumaduru iya.
² Mu sụ: “Nta be mu a-gbeshi
 tsoru oma mkpukpu;
 mbụ tuko oma gbororo;
 me edupfu jekota;
 achọ onye ono,
 mu yeru obu ono.”
 O bụru nno bụ ge mu
 lekotaru enya iya;
 ophu mu ahumaduru iya.
³ Anyi le ndu nche enyashi
 dzuda;
 teke ephe tsoru oma
 mkpukpu ejephe.
 Mu jia phe sụ: “?Unu
 levukporu mu onye

mu yeru obu?”

4 Mu gharìbeeru phẹ phọ
nwanshii;
mu hụma onye ono,
mu yeru obu ono.

Mu tị iya gburumu;
ọphu mu
ekweedu iyaahaha.

Mu kpụa ya gbiriri jasụ mu
kpụ-rwuta iya ụlo ne mu;
mbụ kpụ-rwuta iya mkpuru
onye tsuru ime mu.

5 Unubẹ ụnwada Jierúsalemụ;
unu kwee mu ukwe
l'unu taa kpatsudu
n-yemobu mu;
ọphu unu emetedu iya
lẹ mgbenya jasụ l'ọ
bya l'onwiya;
kẹle n-yemobu bụkwa
g'eedoje ọkpa anigo;
mẹ k'ele-a bụ
g'eedoje ọkpa iya.

Alwalwa onye eze ono

6 ?Bụ onye shi l'echiẹgu eje
abya phọ;
dụ g'ẹka ẹnwuru-ọku akpụ
tūtutuu phọ?

Mbụ onye a wuru meru me
isensu, e gude iphe,
eshi kwẹkweweewe,
ndu agba nghọ,
ere ire mee.

7 Lenu-o! Ọ kwa iphe,
Sólomọnu zẹ bẹ a pa
abya phọ!

Ndu edu iya nụ dụ ụkporo
ndu ojogu ẹto,
a gutaru l'iphe,
bụ ndu kachaa aburu
mkparawa lẹ Ízurelu.

- 8 Ẹphe t̀kọru turu
 ogu-echi phẹ l'upfu;
 tẹme ẹphe b̀kọtaru ndu
 k'ọgu doru ẹnya.
 Mbụ l'ẹphe t̀kọru turu
 ogu-echi phẹ l'upfu;
 kwabẹru ẹjo-iphe a-nwụ
 l'enyashi.
- 9 Eze Sólomọnu metaru onwiya
 iphe, e gude apa eze.
 Oshi, o gude mee ya bụ
 oshi, shi l'úbvú úbvú
 Lébanọnu.
- 10 Ọkpa iya bụ mkpọla-ọchaa
 bẹ o gude mekọta iya.
 Oshi-ẹhu iya, ẹka aadakobeje
 adakobe bẹ e gude
 mkpọla-ododo wụa.
 Ẹka aanọduje anọo bẹ e
 kwekọtaru ẹkwa,
 eji g'ube.
 Ime iya bẹ a phushikotaru
 ẹkwa, amakọta mma;
 mbụ ẹkwa,
 ụnwada Jierúsalemụ
 kpashiru gude
 goshi n-yemobu phẹ.
- 11 Unu wụfuta-o;
 unubẹ ụnwada Zayọnu;
 unu bya ahụma ẹka
 eze Sólomọnu kpu
 okpu-eze iya;
 mbụ okpu-eze ono,
 ne iya kpuberu iya
 mbọku ono,
 ọ luru nwanyị ono;
 bụ mbọku,
 ẹhu tsọru iya ụtso ono!

N-yemobu nwoke ono

4 ¹Iphe, ị dukwanu l'ọo ùbvù;
 gùbe onye dụ mu l'obu!

Iphe, ì òkpókwaná l'òò ùbù!'

Ènyá ngu onó,

ì phuchiteru ẹkwa onó

òpèpho ẹ ẹ

ndo-nwènu

Ègbushi ngu tọkọ ẹjigbáá

g'ẹka ẹghu dzeberu shi l'eli

ùbù Giladu awu-zeta.

² Eze ngu achaepho

pemu pemu g'igwe aturu,

e bushigbaaru ẹji k'òphúú;

bya awu ya ẹhu;

ẹphe tọkọ shi l'ẹka onó

awufuta.

G'ẹphe há tọkọ chígbaaru

unwu ẹbo ẹbo;

ọpèhu ọ òdùdù mẹ nanu,

gba ẹka nwa.

³ Ọgbonu ngu ẹphenebo tọkọ

nwua ẹ ẹpẹfu g'oghu

uswe.

Ọnu ngu l'onwiya tọkọ

ama ntumatu!

Agbagba nchì ngu,

ì phuchiteru ẹkwa

yeru udara,

e buwáharu ẹbo.

⁴ Olu ngu mítaru ogologo

g'ulo-eli, Dévidi kpuru,

bù ẹka eedobeje ngwogu.

Ọò l'igbulọ iya ẹ e kokaaru

iphe,

eegudeje ezeru ndzù l'ogu,

dù unu labọ l'ukporo iri.

Ndu ojogu egudeje iya

ezeru ndzù l'ogu.

⁵ Èra ngu ẹphenebo dù

g'unwu umoro labọ.

Mbù g'unwu umoro,

a nwuru ẹbo,

bùepho ẹka ojimbvù dù

ẹ ẹphe anọduje

- akpa nri.
- 6 Mu e-je anõdu l'eli úbvú,
 a dzarú oshi meru;
 mękwapho l'eli-òbvù,
 a dzarú isensu;
 jeye l'uzenyashi;
 teke onyonyo-anwu
 aduedu.
- 7 Gùbe onye dù mu l'obu;
 ì bukwa nwõmarima;
 mbù l'o to nwedù ẹka
 ntùcha dù ngu l'ẹhu
 mę nanù.
- 8 Gùbe nwanyi,
 mu luru k'òphúú;
 shi l'úbvú úbvú Lébanõnu
 tsoru mu!
 Jiko shinu l'úbvú úbvú
 Lébanõnu tsoru mu
 g'anyi je!
 Ngwa; gbenu l'eli úbvú
 Amana nyizeta!
 Shiro l'eli úbvú Seniru,
 bù iya bù
 mkpõkponu úbvú
 Hamõnu lufuta;
 mbù ẹka ono bù
 õgba oduma ono;
 ẹka agù edomishije
 onwophẹ.
- 9 Gùbe nwamgbõko,
 mu luru k'òphúú;
 bya aburu nwune mu;
 obu, mu yeru ngu
 hatakwaru mu meji.
 Ẹnya, i leri mu mgbo lanù;
 mę iphe-olu,
 ì tũkporu l'olu;
 bẹ i gudeẹpho hata
 mu meji.
- 10 Lewarõ gẹ n-yemobu
 ngu aatsõ-beru uto;

- gùbe onye bú nwamgbòko,
 mu lùru k'òphúú
 bya abùru nwune mu.
 N-yemobu ngu kakwa mẹ
 atso útso.
 Ọ búkwarupho nno bú gẹ
 manù,
 ì nyìru kakòtakwapho
 manù ọzo eshi mkpọ.
- 11 Gùbe nwanyị,
 mu lùru k'òphúú; opfu,
 eshije ngu l'ònu fùta
 anọduje atso gẹ
 manù-ẹnwu,
 shi l'ẹbakala-ẹnwu
 atada.
 Ire ngu bú mini ẹra-eswi;
 waa manù-ẹnwu
 jiru iya.
 Uwe ngu eshi
 kwẹkweekwee
 g'úbvú úbvú Lébanonu.
- 12 Gùbe onye bú nwanyị,
 mu lùru k'òphúú;
 bya abùru nwune mu;
 ì dọepho gẹ mgbabu,
 a tọ-chiru atọ-chi.
 Ị dọ g'òbvú, anwùshi mini,
 e kpuberu iphe;
 mbù g'ògba-mini,
 a dọberu iphe.
- 13 Ụdara, amìshi akpùru,
 dọ ree bú iphe,
 jiru mgbabu ngu.
 Oshi hena;
 mẹ nadù jikwaphọ
 mgbabu ngu ono ejiji.
- 14 Oshi nadù;
 mẹ ọphu aza safaronu
 dọ iya.
 Oshi kalamosu;
 mẹ oshi sinamonu

dùkwa iya phọ.
 Iphe, bukpooshi isensu,
 dù iche iche pfuru
 iya.
 Mèru; mè alowe;
 mèkota oshi,
 eegudeje eme iphe,
 eshi mkpọ
 pfukotakwaru iya phọ.
 15 Ị bú ọgba-mini, doru rịsaa;
 nọ l'ime mgbabu;
 tème ị bụru wẹlu-mini,
 l'anụ ndzụ;
 bya aburu nggele,
 shi l'úbvú úbvú
 Lébanonu asọshihu.
 16 Gùbe phẹphẹre ụzo isheli;
 tehu etehu!
 Watanu ezizi;
 gùbe phẹphẹre ọphu
 shi l'ụzo ndọhali!
 Unu bya ezia ị mgbabu
 mu-a;
 gẹ mkpọ iya atụko mgboko
 voo pfurupfuru!
 Jiko batanu ị mgbabu ngu
 gùbe onye mu
 yeru obu;
 bya awọta akpuru-iphe,
 a kuru iya ọphu kachaa
 ree ria.

**Ọnu nwoke yẹ
 nwanị ono eye**

5 1 Gùbe nwanị, mu luru k'òphúú;
 bya aburu nwune mu;
 mu bataakwaru ị mgbabu
 mu ono.
 Mu hekoakwaru ụnwù
 mèru mu;
 meward ụnwù ọzo,
 eshigbaa kwekweekwee.

Mu riakwaru manụ-ẹnwu
 mu; yẹ ẹbakala iya.
 Mee mu; yẹ mini ẹra-eswi
 mu bẹ mu nguakwaru.
 Unu ria ngua;
 unubẹ ndu ọnyà!
 Unu ngua nguta ike unu;
 unubẹ ndu yeru
 onwunu obu!

- ² Mu eku mgbenya;
 obenu l'obu mu
 nwụ ẹnya.
 Ngabekpodapho!
 Ọ kwa onye mu yeru
 obu akụ ẹka lẹ mgbo sụ:
 “Guharu mu ụzo;
 gube onye dụ mu l'obu;
 bya aburu nwune mu;
 gube onye bụ
 nwando-nwenu mu;
 bya aburu onye nkemu,
 ntucha adudu l'ehu!
 Kele iji dawaru kpua mu;
 ishi dūwaa mu
 minimini.
 Egbushi mu bẹ iji ẹnyasi
 meakwaru;
 ọ bụkotaru mini.”

Ọnu, nwanyị ono eye

- ³ Mu yefuakwaru uwe mu.
 ?Bụ gẹ mu gbẹ nta-a yephu
 iya azụ ọzo ọtọ?
 Ọkpa bẹ mu kwọwaru
 akwọkwo.
 ?Bụ gẹ mu gbẹ nta-a zọbe iya
 l'alị ọzo ọtọ?
⁴ Onye ono, mu yeru obu
 ono bya epyoo ẹka lẹ
 mgbaka mgbo.
 Ehu mee mu phọ yereketeke.
⁵ Mu zilihu gẹ mu guhaaru

onye mu yeru obu ụzo;
 bya emeta manụ mọru
 nyia;
 ọ nọdu anwụkota mu
 shọkoshoko lẹ
 mkpūshi-ẹka;
 gẹ mu zuru ẹka l'iphe,
 eegudeje agụha mgbo
 ono.

- 6 Mu bya agụhaaru onye mu
 yeru obu ụzo;
 ọphu ọ nọedu iya;
 ọ tūgbuwa.
 Atūgbu iya ono mee;
 meji tọfu mu.
 Mu chọo ya nta chọo imo;
 ọphu mu achọ-vuduru iya.
 Mu kua ya nta kua imo;
 ọphu mu ekuvuduru iya.

- 7 Ndu nche ẹnyasi hụma
 mu teke ẹphe tsoru
 ọma-mkpūkpū
 ejephe agbaphe ụzo.
 Ẹphe chia mu iphe;
 chibashicha mu ọnyá;
 tọtachaa mu ukpo,
 mu gbaphuru onwomu;
 mbụ ndu nche igbulọ
 mkpūkpū ono.

- 8 Unubẹ ụnwada Jierúsalemụ;
 unu kwee mu ukwe
 l'unu -hụma onye ono,
 mu yeru obu ono bẹ
 unu e-zi iya l'oghoroko
 iya egbukwa mu
 egbugbu.

Ọnu ụnwada Jierúsalemụ eye

- 9 ?Bụ gụnu bẹ onye ọbu,
 i yeru obu ọbu gude
 ka ndu ọzo,
 e yeru obu mma?

Gùbe nwanyị ọ́phu
 mma nkengu
 kapyabẹkotaru kẹ
 ndu ọ́zo;
 kaẹshìduru anyi g'onye
 i yeru obu ọ́bu gude
 ka ndu ọ́zo ama mma;
 meru g'o gude ì
 nọ́du arwọ anyi ẹgube
 arwọ́rwo ono.

10 Onye ono, mu yeru obu ono
 nwukwaru kẹ pfụu;
 bya egbu nwìinwii.

L'echilabọ ụ́nubuku
 nemadzụ bẹ yẹbedua
 agbajẹpho iche.

11 Ishi iya dụ g'ọ́kpobe
 mkpọ́la-ododo.

Egbushi iya tũko dũchaa kẹ
 nwa wụ́yawuya;
 bya ejiẹpho hirihiri
 g'okpoko-ọ́hà.

12 Ẹnya iya dụ g'ẹnya ndo-nwẹnu,
 beru l'agụga nggele.

Mbụ l'o doru rìsaa g'a saru
 iya l'ẹra-eswi.

Ọ nọ́dugbaa lẹ nhamunha iya.

13 Agbagba nchị iya ẹphenebo
 dũepho g'igbo,
 a dzashìru iphe,
 anọ́duje eshi
 kwẹkweekwee.

Ogbogboromọnu iya dụ
 g'ojimbvu,
 asọshi manụ mẹru.

14 Oshi-ẹka iya dụ gẹ mgboro
 mkpọ́la-ododo,
 e gude kirísòlàyìtù mee;
 ọ́ dụ ùbvù l'ẹnya.

Ẹhu iya nọ́du akwọ kẹ
 bụruburu g'eze-enyi,
 e hucharu ehucha;

- bya egude mkpuma,
 vu oke-aswa;
 mbụ safayiru mee ya;
 ọ dū ùbvù l'ènya.
- 15 Oshi-òkpa iya p̄furu kẹ rọọ
 g'òbvúrí mkpuma-egbe;
 mbụ ọphu a p̄fuberu lẹ
 ntọlali mkpọla-ododo.
 Ụgbugba ẹhu iya nọep̄ho
 kẹ gbomugbomu
 g'úbvú úbvú Lébanonu;
 mbụ l'ọomaep̄ho g'oshi
 sida, nọ iya nù.
- 16 Olu-op̄fu iya anọduje
 atsọ gẹ manụ-ẹnwu.
 Ọ buẹpho l'ọoma mma
 amagharu iya ẹka.
 Unubẹ ụnwada Jierúsalem̄u;
 ọ kwa g'ọ gbaru bụ ono;
 mbụ onye ono,
 yeru mu obu ono;
 bya aburu ọnyà mu ono.

Ajị, ụnwada Jierúsalem̄u ajị

- 6** ¹?Bụ awe bẹ onye i yeru obu
 ọbu jeru; gùbe nwan̄yị,
 kachaa ama mma l'ip̄he,
 bụ ụnwanyị?
 ?Bụ ụzo awe bẹ onye i yeru
 obu ọbu phoberu;
 k'ọphu anyi achọ-bude
 ngu iya?

Ọnu nwan̄yị ono eye

- ² Onye mu yeru obu jeru lẹ
 mgbabu iya;
 mbụ l'ẹka ọ dzashiru ip̄he,
 eshi mkpọ.
 O jeru eche aturu iya lẹ
 mgbabu ono;
 tẹme l'oomekọkwapho
 ojimbvu.

3 Mu bú k'onye mu yeru obu;
 onye mu yeru obu búru
 nkemu.
 Ooche atúru iya l'ẹka
 ojimbvu kúru.

**Nwoke ono atú ọnu nyee
 ya l'edzudzu ọha**

- 4 Gúbe onye nọ mu l'obu;
 ìima mma gẹ mkpúkpu
 Tìza;
 mbú l'ì dútá-beru ùbvù
 gẹ Jierúsalemú.
 Ì dọ-be akpabiri gẹ ndu ojọgu,
 pa ẹkwa-ọgu phẹ.
- 5 Jiko te elehẹ mu ẹnya;
 kele ẹnya ngu anọduje
 alọ mu ẹka lẹ meji.
 Egbushi, nọ ngu l'ishi tọko
 ejigbaa g'ẹka egbu
 dzeberu shi l'eli úbvú
 Giladu awọ-zeta.
- 6 Eze ngu nọdu achaephó
 pemu pemu g'ikpoto
 atúru,
 shi l'ẹka a wúshiru phẹ
 ẹhu awufuta.
 G'ephẹ ha tọko chigbaaru
 unwu ẹbo ẹbo;
 ọphu ọ dudu mẹ nanu,
 gba ẹka nwa.
- 7 Agbagba nchị ngu,
 i phuchiteru ẹkwa ono
 yeru udara,
 e buwaharu ẹbo.
- 8 Unyomu eze a-dúchakpokwa
 ukporo ẹto;
 ndu ọphu abụ-zidu
 unyomu iya adúkwaro
 ukporo ẹno;
 tẹme unwumboko,
 e teke ejepfuswe

- abụkwaruro agụta agụta.
 9 Gùbe ndo-nwẹnu mu;
 gùbe onye nkemu,
 dùebe ree;
 ì bụ onye gbaru iche;
 bya aburu onye t̄baru
 ne iya l'ẹnya;
 mbụ onye nt̄cha ad̄udu
 l'ẹhu l'ẹnya ne,
 nwuru iya n̄.
 Ụnwumboko h̄maru iya
 bya ekua ya onye a
 goru ẹhu-ut̄so n̄.
 Ndu bụ eze-nwanyị;
 m̄ ndu a ta l̄zidu
 ọkpobe al̄lu jakwaru
 iya ph̄ ajaja.
 10 ?Bụ onye d̄ g'ìphóró
 nchi-ab̄ohu ono?
 ?Bụ onye egbu pemu pemu
 g'ọnwa ono?
 Mbụ-a; ?bụ onye egbu nw̄inwii
 g'ẹnyanwu ono?
 ?Bụ onye d̄ akpabiri
 ḡ ndu ojogu,
 ch̄gbaa ẹkwa-ogu?
 11 Mu jeru l'ẹka a dzash̄iru oshi,
 aphoje ishi;
 ḡ mu je agbaphee iphe
 efushigba k'òphúú l̄
 ns̄uda ono;
 ḡ mu māduru vaȳinu
 emeshiwa okoko;
 wakwaph̄o ḡ mu maru m̄
 itorokuma at̄wa ige.
 12 Iphe ono bya edo mu ẹnya;
 egomunggo mu gb̄e
 n̄duwanu l'ugbo-inya
 ono,
 ndibe mu gude dulataru
 mu nwamgb̄oko mu ono.
 13 Lwan̄u azu! Lwan̄u azu;

gũbe nwanyị Shulemu!
 Lwanụ azụ! Lwanụ azụ;
 g'anyi lerwee ngu
 ẹnya elerwee!
 ?Bụ ɡunu meru iphe,
 unu anọdu ele nwanyị
 Shulemu taataataa
 g'onye ele ndu Mahanemu
 ẹnya ẹka ẹphe ete ebvu?

7 ¹ Ґũbe ada-eze; iphe,
 ị dũkwanu ùb̀v̀ù l'ẹka i
 yeru akpọkpa akpọ
 ebvu akpọkpo!

Ụtapfu ngu tũko ama ɡe
 mkpuma, vu oke-aswa,
 onye maru eme ọna
 kwọcharu akwọcha.

² Mkpọtubo ngu ɡbaerupho
 kerere ɡ'otumu;
 mbụ otumu,
 męe-vayinu ta abvụjedu
 abvụbvü.

Ẹpho ngu dọepho ɡ'igberi,
 a kọberu l'ikpo l'ikpo;
 bya edophee ya ojimbvu,
 ama mma mgburugburu.

³ Ẹra ngu ẹphenebo dọ ɡ'ụnwu
 umoro labọ.

Mbụ ɡ'ụnwu umoro,
 a nwuru ẹbo.

⁴ Olu ngu dọ ɡ'ụlo-eli,
 e meru l'eze-enyi.

Ẹnya ngu ẹphenebo doru ke
 rịsaa
 ɡ'okpuru mkpukpu
 Hẹshibonu; mbụ ono,
 nọ-kube ọguzo
 Batu-Rabimu.

Imi ngu degeru edegeru
 ɡ'ụlo-eli Lébanonu,
 ɡharu iphu le mkpukpu
 Damasukosu.

- 5 Ishi ngu meru ngu;
 ì nõdu ama mma g'úbvú
 Kameļu.
 Egbushi, nõ ngu l'ishi nõdu
 eke oruswe oruswe.
 Iphe, eze eje rwuhuru ẹka
 ọ nõ ele ẹgbushi ngu
 g'a swingashiru iya;
 ọ nõdu ama ntumatu.
- 6 Lewarọ ẹẹ ẹbe onye mu
 yeru obu amabe mma;
 bya adu ùbvù l'ẹnya;
 waa g'ì bu-be nwamgbọko,
 emeje nemadzu ẹhu-utso!
- 7 L'ugbugba be ì mĩtaerupho
 ke swanguswangu
 ge mpfu.
 Era ngu ẹphenebo dụchaepho
 ke nwajopfula.
- 8 Mu suru: “Mu e-nyihu mpfu
 ono enyihu;
 je enwota iya ẹpfu.”
 G'era ngu dukwa ke jopfula
 g'akpuru vayinu.
 Teme unme, itufuta eshi
 kwekweekwee ge
 mpfu-ali.
- 9 Teme onu nõdu atsọ ngu me
 me ge me,
 kachaa atsọ utso.

**Nwanyị ono ele ẹnya
 onye o yeru obu**

- G'ọ bukwaru onye ono,
 mu yeru obu ono a-ngu
 me ono!
 Mbụ-a g'ọ tokpoepho nwehu
 shi l'ugbonu sọba
 iya l'onu!
- 10 O kwa onye ono,
 mu yeru obu ono be mu
 bu nkiya.

Tẹme mu bukwarupho onye
anọduje agụ iya egu.

11 Byanụ gùbe onye mu yeru
obu g'anyi je l'oma egu!
G'anyi je akwajẹ l'ime
mkpukpu!

12 G'anyi nmaa ẹwa l'utsu
jeedu l'opfu-vayinu;
je amaru mẹ vayinu
tụwaru ige.

Mbụ g'anyi maeduru m'ige
iya jashikotawaru.

Anyi amakwarupho mẹ oshi
udara ono tushiwaru
ige nkiya.

Ọ buru ẹka ono bẹ mu
a-nọdu goshi ngu lẹ
mu yeru ngu obu.

13 Oshi mandureku eshikwa
mkpo.

Akpuru oshi òphúú;
mẹ akahụ iya,
dugbaa iche iche,
nọ l'onu-ulo anyi bẹ mu
dobekwaru gùbe
onye yeru mu obu.

8 1 Ọme ị gbẹ buru nwune
mu nwoke;
mbụ onye ne mu cheru ẹra;
mẹ anyi lẹ ngu -huma
l'uzo mẹ mu
etsutsujekwa ngu onu;
o to nwedu onye a-sụ
mu sụu.

2 Mbụ mẹ mu eduta ngu
dubata l'ulo ne mu;
bụ iya bụ onye ziru
mu iphe;
je echee ngu okpobe mẹe,
mu kataru; mbụ mẹe,
shi l'ige itorokuma.

3 Ẹkicha bẹ o yeru mu l'ishi;

bya egude ẹkutara iya
gbaphua mu.
4 Unube ẃnwada Jierúsaleṃu;
unu kwee mu ukwe;
l'unu ta akpatsudu
n-yemobu jasù l'ọ bya
l'onwiya.

Ike n-yemobu

5 ?Bù onye bù ọphuu,
shi l'echięgu abya phọ,
dakoberu onye o yeru
obu ẹgube phọ?
Ọ kwa ẹ mkpula udara
bẹ ị zẹ;
mu bya akpatsu ngu.
Ọ buru l'ẹka ono bẹ ne
ngu nwuru ngu.
Mbù l'ọo l'ẹka ono bẹ ime
wataru iya ememe;
ọ nwua ngu.
6 Mee mu ẹ mu dụ g'iphe-olu,
inya l'olu,
egude mee iphe-ọhubama;
ọ ọdu achichi ngu
l'okpoma.
Mee mu ọ ẹ mu dụ
g'iphe-ọhubama,
ị gba l'ẹka.
Kele n-yemobu dụ-bekwa
okpehu g'anwuhu.
Okophoo ya dukwapho g'ilu,
a ta rwo-butajedu
arwo-buta.
Ọ ọdu ahuje g'ọ ta
pfupfupfu oku;
mbù g'oku enwu
phoophoophoo.
7 Oke mini ta adukwa ike
anmanyi n-yemobu;
ophu utso adudu ike eri iya.
Ọ -buru ẹ nemadzu gude

iphemiphe,
 o nweru g'ọ ha eme
 g'ọ zụa n-yemobu;
 bẹ oomekwa g'a kpọo ya
 ẹbo l'afu.

Nwanyị ono yẹe unwune iya

- 8 Anyi nwekwaru nwune
 nwanyi;
 ọle ẹra teke adudu iya
 l'okpoma.
 ?Bụ gunu bẹ anyi e-meru
 nwune anyi ono mbọku,
 a jiru aji iya?
- 9 Ọ -buru l'o shihuru ike
 g'igbulo;
 bẹ anyi e-woru
 mkpola-ọchaa kwọo ya
 nkwoṭankwo l'ehu.
 Teke ọ bukwanu l'o gheru
 onu g'onu-abata;
 anyi egude mgbo sida
 gu-chita iya.
- 10 Mu shihukwaru ike g'igbulo.
 Teme ẹra mu tuko pfugbaaru
 ke kekereke gu-lo-eli.
 Onye mu yeru obu bẹ
 maakwaru le mu l'iya
 -no-kubewaa bẹ ehu
 adujee ya pho guu.
- 11 Sólomọnu nweru opfu-vayinu
 le Belu-Hamonu;
 bya eworu iya ye l'eka ndu
 a-nodu apfu iya ugwo.
 Onyemonye le ndu ono bu
 iphe,
 ephe e-wotajeru iya
 l'aswa akpuru vayinu
 ono bu ekpa
 mkpola-ọchaa iri iri.
- 12 Obenu l'opfu-vayinu nkemu
 bu mu nwe iya.

Ọ búru g'ọ dọ mu ree bú gẹ
 mu e-me iya.
 Gùbe Sólomónu;
 ọ kwa gùbedua e-nweru
 ẹkpa mkpọla-ọchaa
 iri l'iphe,
 e retaru lẹ vayinu ono.
 Ẹkpa mkpọla-ọchaa labọ
 aburu kẹ ndu eletajẹ
 iya ẹnya.

**Ụja nwoke ono yee
 onye o yeru obu**

13 Gùbe onye ono,
 bu lẹ mgbabu ono;
 ndu mu l'ẹphe eshi ọnyà
 ngabẹkwaru nchi
 g'ẹphe nọma olu ngu.
 Gẹ mu nọmaedukwa olu-opfu
 ngu ọbu!

Nwanyị ono sụ:

14 Jiko gùbe onye yeru mu obu;
 pfụkwaa kẹ shọshoo
 byapfuta mu ẹgwegwa;
 ẹgube ono anigo;
 ọzoo ele nshii apfujẹ phọ
 l'úbvú, a kùshiru iphe,
 eshi mkpọ!